

10. oktober 2019

UKA2019/43_103

Pisortat ataatsimoortumik allaffissornerisa aaqqissugaanerannut atatillugu naliliinissamut ataatsimiititaliarsuarmik pilersitsisoqarnissaanut Naalakkersuisut peqquneqarnissaannut Inatsisartut aalajangiiffigisassaattut siunnersuut. Maanna suliassaasut aallaavigalugit allaffissornerup annertussusaa ataatsimiititaliarsuup nalilersussavaa, suleriaatsit sunnuteqarluarnerusut pilersinnissaannut immikkoortorta qarfiillu suliassa qarfiillu (sektorit) akimorlugit suleqatigiinnerup pitsanngorsaaviginissaanut periarfissat misissussallugit, kiisalu allatut aaqqissuussinissamut periarfissanik siunnersuuteqarluni. Siunnersuutini tamani inatsisit ingerlatsinermut tunngasut qasukkartinneqannginnissaat aallaaviussaaq. Ataatsimiititaliarsuaq inunnit sektorinit assigiinngitsuneersunit inuttaqassaaq, tassa pisortat sektoriineersut aamma namminersortut sektoriineersut ilaasortat misilittagaqartut amerlaqatigiissallutik. Ataatsimiititaliarsuaq assigiinngissitaartuneersunit ilaliussanik sulisitaqassaaq, sulininilu ukiut marluk iluanni naammassissallugu. Tamatuma kingorna ataatsimiititaliarsuup innersuussutai Inatsisartuni politikikkut suliarineqassapput. (UKA2019/43)
(Inatsisartunut ilaasortaq Peter Olsen, Inuit Ataqtigiit)

Immikkoortuni Namminersorlutik Oqartussat kommunillu akuuffigisaanni marloqiusamik allaffiossornerup pinngitsoortinneqarnissaanut, ataatsimut suleriaatsit pisariillisarnissaannut isumalluutillu avitseqatigiissutigineqarnissaannut periarfissat qulaajaaffigalugit Naalakkersuisut nassuiaammik UKA2021-mut saqqummiussinissamik peqquneqarnissaannik Inatsisartut aalajangiiffigisassaattut siunnersuut. (UKA2019/103)
(Inatsisartunut ilaasortaq Tillie Martinussen, Suleqatigiissitsisut)

Siunnersuuteqartut Inatsisartunut ilaasortat, Tillie Martinussen, Suleqatigiissitsisut aamma Peter Olsen, IA -siunnersuutat pillugu qutsavigaagut.

Inimi maani isersimasugut arlaleriarluta oqaatigisarparput nunatsinni pisortat suliffeqarfiutaanni allaffissornerup ingerlatsineq annertuallaartoq. Ajoraluartumilli tamassuma piviusunngortin-niarnera annertunerusumik takussutissaqanngilaq. Naatsumik oqaatigineqarsinnaavoq allaffissornerup ingerlatsinerput maannamut minnerulersimanersoq takussutissaqanngilaq.

Nalunaarutigineqartut kingullit takutippaat Namminersorlutik Oqartussat tassaasut allaffissornermi kommuuninut sanilliullugu annertusaanerpaasut.

Siumup anguniarppaa allaffissornerup ingerlatsinerit millisartariaqartut taamaattumillu aningaasanut inatsisip 2020-moortup isumaqatiginniutinerani tamanna pingaartipparput eqqumaffigissallugulu.

Allaffissornerup eqqarsaatigigaanngatsigu aamma ilannguttariaqarparput politikkimik suliaqartuusugut immitsinnut qiviartarnissarput. Maani inimi sugaluartunilluunniit allaffissornerup suliaqartuusugut eqqumaffigissagatsigu.

Maluginiarparput Naalackersuisut oqaatigigaat ukununnga qulequttanut tunngassuteqartut suliaralugit aallartinneqareersut ilaatigut kommuuninit suleqatigalugit. Tassani eqqumaffigineqartariaqarpoq marloqiusamik allaffissornikkut ingerlatsisoqannginnissaa. Naalackersuisut suliaminnut saqqummiussassaat qilanaaraagut.

Siumumiit Naalackersuisut siunnersuutitut itigartitsinissamik innersuussutaat isumaqatigaagut.

Hermann Berthelsen
Siumut